


山東通志

卷三之三

內閣文庫		
番號	漢	3969
冊數	692 (275)	
函號	291	97

內閣文庫		
架	冊	號
元二函一	六九二	三九六九
漢書類		
(五七二六)		



改剛縣為剛
平省寧陽人

南宋復分故寧陽地僑置平原縣屬陽平郡北

魏屬東陽平郡

北齊亦曰平原

隋改平原曰龔邱屬魯郡

徙治縣西北十七里

即今治

唐屬兗州魯郡宋改名龔縣屬龔慶府

大觀四年避宣聖諱故曰龔

金復曰寧陽屬兗州

大定二十九年避顯宗諱也

元屬兗州隸濟寧路

元至

二年省入嶧陽縣大德初復置

明屬兗州府

皇清因之編戶三十五里

鄒縣

故駟城在嶧山之陽邾穆公改邾為駟是也今文從鄒

周為邾國

詳圻封志

後改為駟秦置駟縣屬薛郡漢屬魯國東漢

因之晉曰鄒縣屬魯郡南宋北魏因之

北齊省陽平縣入鄒

隋屬魯郡

唐屬兗州宋屬龔慶府

熙寧五年省入仙源縣為鎮元豐七年復置

金屬滕州元

錢年文庫

屬益都路明屬兗州府

皇清因之編戶三十九里

泗水縣

泗水出縣東陪尾山四泉竝發故曰泗水

古夏殷時卞國

詳圻封志

周為魯國卞邑

今縣境有邾姑蔑二城皆卞邑也春秋隱公元

年公及邾儀父盟於蔑杜註魯郡卞縣南有姑蔑城是也又文公七年城郟

秦屬薛郡漢置卞縣

屬魯國東漢因之晉屬魯郡南宋因之北魏省入鄒縣隋

開皇

十六年復於其地置泗水縣屬兗州魯郡

建治於虛杙唐因之

宋屬襲慶府金屬兗州元屬濟寧路

初省入曲阜尋復置

明屬兗州府

皇清因之編戶一十七里

滕縣

邑志滕者取水之騰涌為義地理志縣東北平澤出泉若輪焉

古為滕薛地

黃帝之子得姓於滕薛為夏車正奚仲封國俱詳圻封志

周為滕薛小邾三

國地

詳圻封志

秦屬薛郡漢分小邾為蕃縣屬魯國

卽今縣治是也分滕

薛為戚昌慮公邱薛四縣

戚昌慮屬東海郡薛屬魯國公邱屬沛郡

東漢因之晉

蕃縣屬魯郡

薛公邱屬魯郡昌慮戚屬東海郡

南宋省戚入蕃

郡志兼省薛皇輿表薛

係北齊所省

北魏置蕃郡治蕃縣

北齊廢郡省薛縣入

隋改為滕縣又省昌

慮入屬彭城郡唐屬徐州彭城郡宋為滕陽軍金改滕州以

縣為倚郭

初為滕陽軍大定二十二年改為滕陽州二十四年改為滕州

元屬益都路明廢

滕州以滕縣屬兗州府

洪武初屬濟寧府十八年改屬

皇清因之編戶八十七里

嶧縣

邑有葛嶧山因以為名卽禹貢所謂嶧陽孤桐也

周初為鄆子國詳封志春秋時屬魯春秋昭公四年取鄆其東為魯次室

邑南為偃陽國地詳封志後皆入於楚改次室曰蘭陵史荀卿適楚以

為蘭陵令秦屬薛郡漢為丞蘭陵繪三縣地屬東海郡東漢因之

改繪屬琅邪國晉廢繪置蘭陵郡治丞縣南宋北魏因之隋改丞曰

蘭陵縣屬彭城郡開皇初蘭陵郡廢分丞置繪州及蘭陵縣丞仍為治大業初又廢鄆州及丞移蘭陵

縣於丞地唐復改蘭陵為丞屬沂州琅邪郡武德四年置繪州仍改蘭陵為丞又別置

蘭陵繪城二縣貞觀元年州廢省蘭陵鄆城二縣入丞宋因之金復改為蘭陵縣置嶧

州治此明昌初改縣興定中置州元省蘭陵縣入嶧州屬益都路至元二年省人

明改為嶧縣屬兗州府初屬濟寧府洪武十八年改屬

皇清因之編戶三十六里

金鄉縣城北有金鄉山太平寰宇記曰鑿山得金故曰金鄉

夏殷時為緡國帝相娶於有緡氏即此又為甲父國詳封志周屬宋國為

緡防梁邱三邑地春秋隱公十年鄭人伐宋入防莊公三十一年宋公齊侯過於梁邱僖公二十三年

齊侯伐宋圍緡秦置緡昌邑二縣屬薛郡周勃攻緡又沛公漢為東

緡昌邑二縣屬山陽郡景帝時以昌邑為山陽國治武帝東更為昌邑國後國除為山陽郡治

漢析東緡置金鄉縣屬山陽郡昌邑為兗州刺史治晉省東

緡入金鄉改山陽郡為高平國亦治昌邑南宋移高平郡治

高平縣省昌邑入金鄉又置金鄉郡於此北魏廢郡以縣屬

高平郡隋屬濟北郡開皇初復分置昌邑大業初又竝入唐金鄉縣屬兗州武德

四年以金鄉方與置金州五年州廢縣屬戴州徙戴州五代來治仍析金鄉置昌邑八年戴州廢仍省昌邑入金鄉

周顯德二年屬濟州宋金因之元屬濟寧路明屬兗州府初屬濟寧府洪

武十八年改屬

皇清因之編戶三十三里

魚臺縣縣北有觀魚臺魯隱公矢魚處也

周為魯棠邑重鄉郎邑兼宋之方與湖陵地左傳公矢魚於棠又使臧文仲

宿於重館又費伯城郎又戰國策春申君曰魏將出而攻鉅湖陵俱在縣境秦置方與湖陵二縣

屬薛郡史記沛公取湖陵方與漢方與湖陵屬山陽郡王莽改湖陵為湖陸東漢

因之晉屬高平國南宋省湖陸入方與屬高平郡北魏因之

北齊廢方與縣邑志云隋開皇中復置方與縣屬彭城郡唐改名

魚臺屬兗州武德初屬金州尋屬戴州貞觀十七年戴州廢屬兗州寶應元年改名魚臺元和四年徙縣治

於黃臺屬徐州十年仍屬兗州宋金屬單州後唐同光中改屬元屬濟寧路至元二年

省入金鄉明屬兗州府初屬徐州尋屬濟寧府洪武十八年改屬

皇清因之編戶二十七里

濟寧州濟水南會泗北會汶州居其中故以濟寧為名濟寧衛附

周為任邾二國地詳圻封志秦屬東郡漢置任城縣屬東平國東

漢屬任城國晉為任城國治南宋任城屬高平郡後廢北魏

復置任城縣又於縣置任城郡北齊廢任城郡移高平郡治此隋屬魯郡廢

平唐屬兗州宋屬濟州因後周之舊也金徙濟州治任城元

隸濟寧路至元六年陞濟州為濟寧府治鉅野在城為屬十五年遷府於濟州以鉅野行濟州事其年仍於鉅野置府

濟州還治任城十六年濟寧陞為路置總管府二十三年復

置任城為濟州之附郭明洪武元年移濟寧府治任城十八年省任城入濟寧降為州屬兗州府

皇清因之雍正二年分濟寧為直隸州領縣二雍正八年仍隸

兗州府不領縣編戶五十四里

嘉祥縣 境有獲麟堆魯西狩地也故曰嘉祥

古大野地 禹貢大野既瀦即此周屬魯之西鄙秦屬碭郡漢為鉅野縣

地屬山陽郡東漢因之晉南宋俱屬高平郡北魏屬任城郡

隋唐屬東平郡宋為山口鎮金皇統中始析鉅野山口鎮置

嘉祥縣屬濟州 正隆初圮於水徙治橫山之南大定十五年又徙治於萌山下即今治也元隸濟

寧路 初屬東平路至元五年改明屬兗州府 洪武四年屬濟寧府十八年降

濟寧為州隨州改隸

皇清因之雍正二年分濟寧為直隸州嘉祥為屬八年濟寧仍

隸兗州府以嘉祥屬曹州直隸州十三年仍屬兗州府編戶

一十四里

汶上縣 在魯北境上四汶之所逕也

古厥國 詳圻封李白任城廳壁記北走厥國之墟周為魯中都邑後屬齊為平陸

邑秦屬東郡漢置東平陸縣屬東平國東漢晉因之南宋為

平陸縣屬東平郡北魏因之 北齊改為樂平縣隋復曰平陸屬魯郡

開皇時屬兗州 唐改曰中都縣屬鄆州東平郡 天寶初屬魯郡貞元十四

年屬鄆州 宋屬東平府金改為汶上縣屬東平府 初改為汶陽泰和八年改今名

元屬東平路明初屬東平府後東平降為州隨州屬兗州府
皇清因之雍正八年改東平州為直隸州縣仍屬兗州府編戶
四十八里

陽穀縣

地在穀山之陽縣境有陽穀亭春秋僖公三年會於陽穀是也

周春秋時為齊陽穀地秦屬東郡漢為須昌縣屬東郡東漢

晉屬東平國南宋北魏屬東平郡隋析置陽穀縣屬濟北郡

開皇十六年改須昌曰宿唐改屬鄆州武德初屬濟州天寶

城而別置須昌屬東平郡平宋改屬東平府開寶六年河水湮沒至太平興國八年徙

郡元年始金因之元屬東平路明屬兗州府初屬東平府東平

皇清因之雍正八年屬東平直隸州十三年仍屬兗州府編戶

三十九里

壽張縣

漢置本春秋之良邑又縣有壽聚合之曰壽良也光武避諱改曰壽張見水經註

周為齊良邑戰國時曰壽邑詳古秦屬東郡漢置壽良縣屬

東郡東漢改曰壽張屬東平國晉因之南宋改曰壽昌北魏

復曰壽張俱屬東平郡隋屬濟北郡唐屬鄆州武德四年於

析置壽良縣五年壽州廢并宋屬東平府金因之大定七年

省入縣仍復名壽乃徙縣於竹口鎮元屬東平路明屬兗州府洪武元年移縣

十九年復還舊治年省入須城陽穀二縣十四年復置於王陵店即今治

屬東平州隸濟寧府十八年濟寧降為州隨州改隸
皇清因之雍正八年屬東平直隸州十三年仍屬兗州府編戶

一十五里

東昌府

秦漢之東郡也爾雅云途出其後曰昌邱

禹貢兗州之域周春秋時為齊西鄙又晉之東境衛之北境

秦屬東郡又鉅鹿郡之東南地漢為東魏清河濟陰等郡地

東漢因之惟改在平入濟北國三國魏改屬平原郡又分東

魏二郡地為陽平郡晉置司兗冀三州察九郡國曰陽平曰

廣平曰魏曰頓邱曰濮陽曰濟陽曰東平曰平原曰清河北

魏以陽平頓邱及濮陽清河魏郡屬司州而改平原東平南

清河屬濟州隋廢郡置博州尋廢州復為武陽清河武安濟

北東平東郡唐置魏州魏郡濮州濮陽郡博州博平郡貝州

清河郡洛州廣平郡分屬於河南河北二道宋更置京東東

路領濮州河北東路領大名開德二府博恩二州河北西路

領洛州金為大名府濮恩開博四州元初隸東平路復析為

博州路中統間始改為東昌路明為東昌府領三州十五縣

隸山東布政使司

皇清因之雍正八年分濮州為直隸州以朝城觀城范三縣屬

之又分高唐為直隸州而於濟南府割禹城平原臨邑陵四

縣為屬十二年撤高唐直隸州仍為府屬禹城等四縣仍歸濟南府今領

州二縣十二

聊城縣

附郭晏子曰聊攝以東按聊攝二水名也東昌衛附

殷為微子國詳坊周為齊聊攝地戰國時為聊城

魯仲連射書喻燕將

處 秦置聊城縣屬東郡兩漢因之晉屬平原國北魏屬平原

郡隋屬武陽郡 開皇初置博州治此大業間改 唐為博州博平郡治 武德四年析置

在平縣又析魏州之莘置莘亭縣貞觀元年皆省入十七年又省博平縣入天祐三年改曰聊邑縣為博平郡治又以聊

邑高唐博平武水之河外地入鄆州五代唐復為聊城後宋晉開運二年河決城圯徙治巢陵後周以武水縣併入

為博州治 淳化三年河決城復圯乃移治 金因之元為東昌

路治 至元初為博州路十三年改為東昌路 明為東昌府治

皇清因之編戶三十四里

堂邑縣 隋置縣取縣西北古堂邑故城為名漢制公

周為齊清邑 左傳高弱叛齊侯使國勝告晉待命於清 秦屬東郡漢置發干清二

縣屬東郡東漢改清曰樂平為侯邑仍屬東郡晉屬陽平郡

北魏二縣仍屬陽平郡 北齊隋開皇六年 合一縣地置堂邑縣屬

武陽郡 初屬毛州大業間改 唐屬博州 初屬毛州貞觀時改 宋金因之 宋熙寧初

徙治東十里即今治 元屬東昌路 初屬東平路尋改屬博州路又改屬東昌路 明屬東昌府

皇清因之編戶一十七里

博平縣 本古博陵地漢更之曰博平爾雅大野曰平

周為齊博陵邑 史記趙伐齊至博陵即此 秦屬東郡漢置博平縣屬東郡

又置靈縣 東漢因之晉屬平原國北魏屬平原郡 北齊省 隋

屬清河郡 開皇初屬毛州六年復置 唐屬博州 武德三年析

年又省入十七年省博平入聊城嗣聖八年復析置 宋金因之 宋景祐四年徙縣治東

治也熙寧二年 元屬東昌路明屬東昌府 靈明皆隸清平縣

皇清因之編戶一十八里

荏平縣 應劭曰荏山名也縣在山之平陸故名荏平

周為齊牡邱地 春秋僖公十五年諸侯盟於牡邱即此 秦屬東郡漢置荏平縣

屬東郡東漢屬濟北國晉屬平原國 後移治聊城縣界之興利鎮 北魏屬

東平原郡 北齊廢 隋開皇初復置屬清河郡 初屬貝州大業時改屬 唐省荏

平入聊城縣宋因之金 天會中 復置荏平縣屬博州元屬東昌

路明屬東昌府

皇清因之編戶三十六里

莘縣 縣北有古莘亭見京相璠註

周為衛莘邑地後入於晉 城濮之戰晉文公觀師於莘 秦屬東郡漢置陽

平縣屬東郡東漢因之晉屬陽平郡尋省 永嘉後省入樂平縣 北魏復

置屬陽平郡 北齊改曰樂平北周於此 隋改莘縣屬武陽郡

開皇六年郡罷仍改為陽平縣八年又改為清邑縣十年置莘州於此大業初州廢改縣曰莘省莘亭縣入 唐屬

魏州 武德四年析莘縣置莘亭縣又置莘州貞觀元年州廢縣屬魏州後復省莘亭縣入五代梁屬魏州後唐屬興

唐府後晉屬廣晉府後漢屬大名府 宋屬大名府金因之元屬東昌路明屬東

昌府

皇清因之編戶一十八里

清平縣 縣在清河之北初曰清陽又曰清平皆取義於水也

周為齊貝邱地秦屬鉅鹿郡漢置貝邱縣屬清河郡東漢為

清河國晉因之北魏屬清河郡隋改貝邱為清陽復改曰清

平屬清河郡後廢

開皇六年改曰清陽又析置貝邱縣十年改清陽曰清平尋省貝邱縣入唐

清平縣屬博州

五代梁唐晉漢皆因之周屬大名府宋清平縣屬大名府熙寧二年

割博平之靈明砦來屬元豐中河決移治靈明砦即今治也

金因之元屬德州明屬東昌

府

皇清因之編戶一十二里

冠縣

本冠氏邑左傳哀公十五年齊伐晉冠氏是也

周為晉冠氏邑秦屬東郡漢為館陶縣地屬魏郡東漢因之

晉屬陽平郡北魏因之隋

開皇六年

析館陶縣地置冠氏縣屬魏

州尋屬武陽郡

大業初州廢改屬武陽

唐屬魏州

初屬毛州貞觀元年州廢省清水縣入復

屬魏州魏郡

宋屬大名府

仍五代之舊

金因之元

至元六年

陞為冠州直隸

省部明降為縣屬東昌府

皇清因之編戶二十七里

臨清州

州志云清河在治之西北故名臨清衛附

周為衛國地

詳圻封志

後入於晉戰國時為趙之東鄙秦屬東郡

漢置清淵縣屬魏郡東漢因之晉改屬陽平郡

郡志石趙立建興郡改置

臨清縣屬之

北魏清淵縣又析置臨清縣竝屬陽平郡

北齊省臨清縣入清

淵隋屬清河郡

開皇六年復置臨清縣又分清淵縣置貝邱縣分臨清地置沙邱縣大業初省貝邱入清

淵省沙邱入臨清

唐屬貝州清河郡

武德時省清淵入臨清又復置沙邱屬毛州貞觀初省沙邱入

大曆七年改屬瀛州貞元末仍屬貝州五代唐屬

宋屬大名

府建炎中河決移治於州西南十里

金屬恩州元屬濮州明陞縣為州屬東

昌府 洪武二年又移治於故縣北八里七年割堂邑會通鄉

二里來屬景泰初建新城於會通河北衛河東移縣治焉弘治二年始建為州

皇清因之編戶四十一里

館陶縣

邑志云城西北七里有陶邱趙置館於其側因名爾雅再成為陶邱

周為晉冠氏邑 詳冠縣 後屬趙秦屬東郡漢置館陶縣屬魏郡

東漢因之

明帝以其地為館陶公主食邑

晉屬陽平郡北魏因之隋屬武陽

郡

開皇初廢郡誤以屯氏河為毛氏置毛州縣改屬

唐屬魏州

唐初復置毛州

後廢以縣屬魏州

宋屬大名府

仍五代之舊

金因之元屬濮州明屬東昌

府

初屬臨清州隨州屬府

皇清因之編戶三十里

邱縣

即古斥邱也其地斥鹵故名今城中仍有長壟如邱見邑志

周為晉乾侯邑

春秋昭公如晉次於乾侯杜註在斥邱縣

後為趙之東鄙地秦屬

東郡漢為平恩縣屬魏郡

舊志俱作斥邱縣

皇輿表作平恩縣今攷前後兩漢書魏郡兼有

斥邱平恩二縣

而平恩為侯國及攷地

東漢因之晉屬廣平

郡北魏省

天平初改曲安縣屬廣平郡尋省入斥漳

隋復置平恩縣屬武安郡

魏置

曲安移治斥漳城隋復移治於平恩川

唐屬洛州廣平郡宋因之金廢縣為鎮

併入曲元

至元十六年

於故平恩縣地置邱縣屬東昌路明屬東

昌府

弘治二年屬臨清州隨州隸府

皇清因之編戶二十七里

恩縣

宋慶曆八年文彥博平王則之亂表請改貝州為恩州是也

周為齊里邱地戰國時為趙平原君封邑秦屬鉅鹿郡漢為

東武城縣地屬清河郡東漢屬清河國晉因之北魏屬東清

河郡隋開皇十年析置歷亭縣屬清河郡唐因之初改郡曰貝

移治歷亭八年復治清河天寶元年改貝州為清河郡縣仍為屬宋改清河郡為恩州歷亭

為屬金徙恩州治歷亭屬大名府元至元二年省歷亭入恩州屬

東平路明降恩州為縣屬東昌府洪武七年徙治於縣東四十里許官鎮即今治

皇清因之編戶三十七里

高唐州州志高唐山在州東北國語齊威王使盼子守高唐即此

周為齊西鄙地秦屬東郡漢置高唐縣在禹城縣境內屬平原郡東

漢因之晉屬平原國南宋僑置高唐縣於鄒平屬平原郡北

魏屬南清河郡北齊廢郡移高唐於朝陽屬清河郡在今章邱縣境內隋屬清河郡開

十六年改高唐曰章邱復置高唐唐屬博州博平郡長壽二年

崇武神龍元年復曰高唐五代梁改曰魚邱後唐復曰高唐後晉改曰齊城後漢復曰高唐俱屬博州宋金因

之元至元九年置高唐州仍領縣直隸省部初屬大名路尋改屬東平路又以為駙馬

湯沐邑至元九年始置為州明省縣入州屬東昌府

皇清因之雍正八年分為直隸州割濟南府之禹城臨邑陵平

原四縣來屬十二年撤直隸州仍隸東昌府禹城等四縣仍歸濟南府編

戶四十里

夏津縣縣為黃河故道志云齊趙會盟之要津也水經注自黃河泛舟而渡者皆為津

周戰國時為趙齊邊界秦屬鉅鹿郡漢置郟縣屬清河郡東

漢屬清河國晉因之北魏屬東清河郡

初為平原郡治後改北齊廢

隋郟

縣屬清河郡

開皇十六年復置初屬貝州後改屬清河縣

唐天寶

元改郟曰夏津縣屬貝州

天寶元年改郟為夏津時即移縣於新縣店金移今治

宋屬

大名府

仍五代之舊

金因之元屬高唐州直隸

初屬東昌路

明屬

東昌府

皇清因之編戶三十一里

武城縣

隋區宇圖云夏后啟封子武於此武城所由名也戰國時為趙公子勝平原君封邑

周戰國時屬趙秦屬鉅鹿郡漢置東武城縣

左馮翊有武城縣故加東以別

之屬清河郡東漢屬清河國晉因之

大康中去東字

北魏屬東清河

郡

又於陽平郡並置一武城北齊於清河郡置貝邱縣以武城省入而移清河郡治於陽平郡之武城

隋武城

縣屬清河郡

開皇六年廢武城曰清河縣仍於貝邱縣析東武城舊地置武城縣屬貝州大業初州廢仍置

清河郡以

唐屬貝州

調露元年移治永濟渠北

宋屬恩州

大觀中衛河水決移治城東十

里即金因之元屬高唐州

初屬東平路

明屬東昌府

皇清因之編戶二十一里

青州府

釋名青州在東取物生而青也

禹貢青州之域古爽鳩季荝逢伯薄姑莒紀諸國地周封太

公於營邱是為齊國秦置齊郡又為琅邪郡之東境漢為北

海齊琅邪千乘四郡地又為濟南泰山二郡之東境及高密

膠東城陽菑川四國而察以青徐兗三州刺史東漢青州部

治臨淄領齊北海樂安三國其琅邪國又屬徐州三國魏置

青州於益都晉青州部治東陽領齊樂安二國城陽一郡其琅邪國東莞郡亦屬徐州永嘉之末為南燕慕容超所據

之後陷於石勒繼以段龕符氏平燕盡有其地慕容德據廣固是為南燕慕容超又移青州治於東萊南宋平

燕以東陽齊北海樂安高密平昌五郡屬青州東莞南濟陰

二郡屬徐州元魏青州部畧同於宋增置南青州部領東莞

東安二郡置膠州部領東武高密平昌三郡隋為北海齊高

密三郡隸青州琅邪一郡隸徐州唐置青州北海郡淄州淄

川郡沂州琅邪郡密州高密郡皆屬河南道宋初因之繼改

為鎮海軍後復為青州其餘為淄濰沂密四州屬京東東路

金曰益都府仍淄濰密三州屬山東東路元屬益都路而濰

密莒博興諸州皆直隸中書省明洪武初年併密州入諸城

併膠西莒縣入莒州降博興州為縣改益都路為青州府領

州三縣十六九年又割膠濰二州高密即墨昌邑三縣屬萊

州府領州一縣十三屬山東布政使司

皇清因之雍正八年分莒州為直隸州以沂水蒙陰日照三縣


屬之十二年陞沂州為府以莒州並所屬隸焉十三年又析

置博山縣今領縣十一

益都縣附郭漢武帝封淄川懿王子為益都侯縣名所由昉也舊封在壽光境內北齊移治於此仍沿其名

周為齊臨淄地秦屬齊郡漢置廣縣屬齊郡復置益縣為侯

國詳圻封志屬北海郡東漢益縣屬樂安國三國魏改益縣為益都縣屬齊國見皇



表興晉改益都縣為利縣屬樂安國南宋復曰益都縣屬齊郡

永初間為青州刺史治晉永嘉末前趙將曹嶷於縣西堯山之陽築廣固城以自守劉裕堙其城改築東陽城為刺史治

北魏因之齊天保七年移縣治隋益都縣為北海郡治開皇初廢

齊郡置青州仍治益唐為青州北海郡治宋因之金為益都府

大定八年於益都置元移益都縣於南陽城為益都路治山東東西路統軍司

明改益都路為青州府縣為倚郭

皇清因之編戶一百六十里

臨淄縣水經注城臨淄水故曰臨淄

周為齊國詳圻即營邱地史記太公始居營邱五世胡公遷

臨淄甚遠皇輿表引漢志臨淄城中有邱即營邱晏子曰吾先君太公築邑於此或五世胡公遷他處而獻公復徙故

都如商家之五徙厥居秦置臨淄縣屬齊郡項羽封田都為齊王都臨菑即

此漢為齊郡治東漢為齊國治晉因之南宋為齊郡治北魏

因之北齊省隋復置屬北海郡開皇十六年復置大業唐屬

青州武德初復置時宋因之金屬益都府元屬益都路至元

省入益都十年明屬青州府

皇清因之編戶六十一里

博興縣漢博昌縣十三州記云因境有昌水其勢平博故名五代唐避

諱改博興云

殷為蒲姑氏國北境周為齊地史太公五世胡公秦屬齊郡

漢置博昌縣屬千乘郡東漢屬樂安國晉因之南宋屬樂安

郡北魏因之北齊改博昌為樂安縣

隋博昌縣屬北海郡開皇十六年復改曰博昌

十八年改置新河唐博昌移治樂安縣屬青州

武德初復分置樂安縣八

年省樂安縣入五代唐改曰博興縣宋因之仍屬青州金屬益都府

元初陞為州屬益都路明洪武初仍降為縣屬青州府

皇清因之編戶七十六里

高苑縣郡志齊桓公置苑於此故名

古苑牆地古文苑苑通用邑志云殷武丁子封於苑周為齊地戰國時為狄邑

策田單攻狄秦屬齊郡漢析置狄高苑二縣屬千乘郡又為

三月不下建信二縣地建信乃婁敬侯邑東漢高苑屬樂安國永初中改狄為臨晉初

屬樂安國後省南宋於故高苑城西二里置長樂縣屬渤海

郡北魏因之隋改長樂為高苑屬齊郡開皇十八年初改長樂為會城縣大業初

復名唐屬淄州武德初改屬鄒州八年州廢改屬淄州宋因

高苑景德二年以縣置宣化軍熙寧三年廢復為縣即縣治置軍使金屬淄州元改屬益都路

明屬青州府

皇清因之編戶三十一里

樂安縣應劭曰取休令之名矣乃漢樂安縣註也按太公下畧四民足用國乃安樂凡齊郡邑曰安曰樂者

多本於此

周為齊青邱地太平寰宇記云齊景公有馬千駟秦屬齊郡

漢置千乘縣為千乘郡治東漢屬樂安國晉改置廣饒縣屬

齊國南宋復改為千乘縣為樂安郡治北魏因之隋屬北海

郡開皇初罷郡屬青州又移千乘唐屬青州武德二年於縣
河縣尋省貞觀八年州廢縣屬青州宋因之金改為樂安縣屬益都府元屬益
都路明屬青州府

皇清因之編戶九十五里

壽光縣高士傳齊宣王獵於杜山閭邱先生長老十三人
也問邱曰非也選良吏平法度臣得壽矣漢置壽光

縣又有平壽縣皆取於此隋析置閭邱可竝証也

周為紀國地又為牟子國地詳圻封志秦屬齊郡漢置壽光縣屬

北海郡東漢屬樂安國晉因之南宋省隋復置壽光縣屬北

海郡開皇初復置又分置閭邱縣大業初省閭邱入唐屬青州初屬乘州貞觀宋因

之金屬益都府元屬益都路明屬青州府

皇清因之編戶一百三十二里

昌樂縣縣在都昌樂望之間皆漢縣也遂合以命名歟

周為齊緣陵地春秋僖公十四年諸侯城緣陵即此秦屬齊郡漢置營陵縣為

北海郡治東漢屬北海國晉屬高密國初屬城陽郡太康中割屬東莞郡後又改

屬高密國南宋屬高密郡北魏屬平昌郡北齊廢隋開皇十於營

陵故地置營邱縣屬北海郡初屬濰州大業初唐復省武德

置為杞州尋復為營邱縣初於營邱縣宋置昌樂縣屬濰州地置安仁縣

尋改為金因之元省至元三年省入明復置昌樂縣屬青州

府

皇清因之編戶九十八里

臨朐縣 應劭曰臨朐山名也故縣氏之

周為紀國邦邑 詳圻後屬齊 春秋莊公三年齊師遷紀邦部

在朱虛縣東南按邦亦作駢後為齊大夫伯氏邑 秦屬齊郡漢為臨朐昌國二縣屬

齊郡東漢二縣竝屬齊國晉臨朐屬東莞郡又改屬高密國

昌國縣屬齊國南宋臨朐縣省入昌國屬齊郡北魏因之隋

復置臨朐縣屬北海郡 開皇六年改昌國曰蓬山又析置般

陽縣 唐宋竝屬青州金屬益都府 初分置穆陵 元屬益都路

初省入益都 明屬青州府

皇清因之編戶一百一十里

安邱縣 本州國即淳于國也左傳桓公六年淳于公如曹

度其國危遂不復後為杞人所有漢名以安邱豈

周為根牟州國後入於齊又為齊雍廩邑 俱詳圻 秦屬琅邪

郡漢置安邱縣屬北海郡 又縣西南有昌安平安郡 東漢屬

北海國晉屬東莞郡尋改屬高密國南宋屬平昌郡北魏因

之北齊郡廢 省入昌 隋復置安邱縣屬高密郡 開皇十六年

鄉城置牟山縣屬密州大業二年復 唐改輔唐縣屬密州高

密郡 省郡城縣入乾元 宋復曰安邱縣仍屬密州 按宋史五

唐復曰安邱後唐復改曰輔唐石晉以避嫌改 金因之元屬

益都路明屬青州府

皇清因之編戶一百七十四里

諸城縣 諸古邑名春秋季孫行父城諸卽此安東衛附

周爲魯諸邑及齊琅邪邑地秦爲琅邪郡治漢置東武諸二縣東武爲琅邪郡治諸爲屬東漢竝屬琅邪國晉屬城陽郡

尋屬東莞郡南宋東武屬平昌郡諸屬東莞郡北魏諸屬東

莞郡東武屬高密郡 北齊省諸縣入東武 隋改東武爲諸城縣爲高密

郡治 開皇三年罷高密郡縣屬膠州五年改膠州爲密州十年改東武爲諸城卽今治大業三年陞密州爲高密

郡唐屬密州 武德三年罷高密郡爲密州天寶元年復爲州 宋因之 開

五年陞州爲安化軍節度使元祐元年改爲臨海軍移理膠西縣諸城縣爲屬後軍廢仍爲密州 金屬密州

元屬益都路明屬青州府

皇清因之編戶一百八十一里

博山縣 縣東南博山孝婦鄉之博山社以此得名

周爲齊地秦屬齊郡漢爲萊蕪縣地屬泰山郡又爲般陽縣

地屬濟南郡東漢般陽屬齊國晉省入萊蕪縣南宋 元嘉五年 僑

置清河郡貝邱縣北魏東清河郡治般陽 北齊罷清河郡以貝邱屬齊州餘詳

淄川 隋改貝邱曰淄川縣屬齊郡 初屬齊州開皇十六年改

改貝邱爲淄川縣大業二年廢淄川縣仍屬齊郡 唐復析淄川置淄州 武德元年析

置長白縣 宋金因之元改爲淄萊路尋改爲般陽路 至元二年

尋省入 婦懷德二鄉 明淄川縣屬濟南府縣地改屬青州府 洪武初

屬益都縣 府九年改爲淄川州省縣入十二年降爲縣而孝婦懷德二鄉仍屬青州府益都縣

皇清因之雍正十二年於益都淄川萊蕪三縣交界析置一縣

賜名博山編戶二十一里

登州府 本牟子國唐置登州取文登山立名

禹貢青州之域嶠夷之地周春秋時為牟子國戰國時盡為齊地秦屬齊郡漢東萊郡膠東國屬青州其餘地又為琅邪東海二郡屬徐州東漢因之惟改膠東入北海國三國魏因之晉分為東萊國長廣泰山二郡隸青州南宋竝為東萊長廣二郡北魏分青州置光州始析東萊之牟平黃嶷觀陽四縣地置東牟郡與長廣郡俱屬光州北齊省東牟入長廣郡隋開皇初廢郡置牟州至大業二年又廢州仍置東萊郡唐復置牟州治牟平縣又置登州治文登縣貞觀元年二州俱廢如意元年復置登州治牟平神龍三年徙治黃縣之蓬萊鎮遂置蓬萊縣天寶初更為東牟郡治乾元初復改登州屬河南道宋因之屬京東東路金析牟平文登置寧海州以登州所屬兩水陽曠二鎮增置福山棲霞二縣俱屬山東東路元初屬益都路後改分般陽路為山東東西道明洪武元年省蓬萊縣入州統隸萊州府六年改登州為直隸州九年陞為登州府復置蓬萊縣附郭又割萊之招遠萊陽及寧海州文登縣來屬領州一縣七隸山東布政使司

皇清因之雍正十三年析萊陽置海陽縣又析文登置榮城縣今領州一縣九

蓬萊縣

附郭寰宇記云漢武帝於此望海中蓬萊山因築城以為名

周春秋時為萊國地

詳圻封志

秦屬齊郡漢為黃縣地

漢書注黃縣有萊山

屬東萊郡東漢因之晉屬東萊國南宋屬東萊郡北魏屬東

牟郡

北齊省嶷縣入黃屬長廣郡

隋仍屬東萊郡唐置蓬萊縣為登州東

牟郡治

貞觀八年初置蓬萊鎮神龍三年於鎮南改置蓬萊縣

宋因之金登州治蓬萊

縣

阜昌中東牟移治牟平尋改為寧海軍

元屬般陽路明陞登州為府

洪武元年省縣

入州屬萊州府九年陞登州為府復置縣

縣為倚郭

皇清因之編戶六十六里

黃縣

春秋僖公五年楚人滅弦弦子奔黃又十二年楚滅黃傳云恃睦於齊故不設備齊桓公徙封二國於此

故為黃子之國矣今縣界有嶷城又邑西南有黃山東有黃水河俱見邑志

周為萊國地秦屬齊郡漢為嶷縣及黃縣地

二縣故城在今縣界

屬東

萊郡東漢因之

省徐鄉縣入黃嶷為侯邑

晉屬東萊國南宋屬東萊郡北

魏改屬東牟郡

北齊廢東牟入長廣郡乃省嶷入黃

隋屬東萊郡

初屬牟州大業初改唐

別置黃縣屬登州東牟郡

神龍三年徙治蓬萊鎮改縣曰蓬萊為登州治先天元年析蓬萊之

黃冠村別置黃縣即今治

宋金因之元屬般陽路明屬登州府

皇清因之編戶五十里

福山縣

縣北有福山因名

周為齊地秦為睡縣地屬齊郡

史記秦北伐使天下飛芻輓粟起於黃睡即此

漢睡

縣屬東萊郡東漢省入牟平縣

魏地形志牟平縣有之采山牟城今縣境有之或謂省入

黃縣者非也

晉屬東萊國南宋屬東萊郡北魏屬東牟郡隋復屬

東萊郡唐以其地為兩水鎮至金中始於兩水鎮置福山縣屬登州元屬般陽路明屬登州府

皇清因之編戶二十九里

棲霞縣

邑志云旭日將升每有霞光盤旋齊乘曰本以山得名環縣皆山重巖疊嶂不可名狀

古牟子國地

東夷之國根牟種類

春秋入齊秦屬齊郡

見福山註

漢為臚縣

地屬東萊郡東漢省入黃縣屬東萊郡晉屬東萊國南宋屬

東萊郡北魏改屬東牟郡隋復屬東萊郡唐為蓬萊縣地地名

陽疇鎮蓋唐之蓬萊縣即漢之黃縣今之黃縣又析蓬萊所置

宋因之金

阜昌中

始於陽疇鎮

置棲霞縣屬登州元屬般陽路明屬登州府

皇清因之編戶四十六里

招遠縣

本掖縣地金析置招遠縣取招携懷遠之義也

周為齊地

古萊子國春秋時齊侯遷萊子於邠地始屬齊

秦屬齊郡漢為曲成掖縣

地屬東萊郡東漢因之晉屬東萊國南宋屬東萊郡北魏屬

東牟郡

又分置東曲成縣北齊省曲成縣入夜縣屬東牟郡

隋因之唐屬萊州東萊郡

曲成舊地為羅峰鎮

宋因之金

天會中

始於羅峰鎮置招遠縣仍屬萊州

元屬般陽路明屬登州府

初屬萊州府洪武九年陞登州為府割招遠屬之

皇清因之編戶四十八里

萊陽縣

縣北有萊陽山邑志初名昌陽以地在昌水之陽也

周萊國地後屬齊秦屬齊郡漢為昌陽縣地屬東萊郡東漢

因之

東漢觀陽長廣挺三縣廢城俱在縣境內詳古蹟

晉屬長廣郡南宋北魏因之

北齊長廣郡廢縣仍屬東萊
又省盧鄉挺二縣入昌陽
隋屬東萊郡
開皇初復置盧鄉
縣大業初並屬東
萊
唐宋金因之
貞觀初省盧縣入永徽中城圯於
水移今治五代唐諱昌改萊陽
元屬般陽

路明屬登州府

皇清因之編戶一百一十里

寧海州
金於牟平縣置寧海軍
取海不揚波之義也

周為齊地秦屬齊郡漢置牟平縣屬東萊郡東漢因之晉屬

東萊國
省東牟
縣入南宋屬東萊郡北魏屬東牟郡
北齊移治於
黃縣東北屬

長廣
隋屬東萊郡
開皇初移治於東牟舊地
屬牟州大業初州廢改屬唐屬登州
武德
四年

於黃縣之中郎城置牟州領牟平黃縣貞觀元年州縣俱省
人文登縣麟德元年析文登復置牟平縣如意元年又於縣

置登州神龍三年徙登州治
宋因之金
阜昌
中於牟平縣置寧

海軍後改軍為州領牟平縣元屬益都路明省牟平縣入州

屬登州府

皇清因之編戶八十里

文登縣
縣有文
文人登此山論功頌德因名

周為萊子國地後屬齊秦屬齊郡漢為不夜縣地屬東萊郡

東漢省入牟平縣北齊
天保
七年於故不夜縣地置文登縣屬長

廣郡隋屬東萊郡唐改屬登州
武德四年於縣置登州六年
又析置清陽廓定二縣貞觀

元年州廢省二縣入文登屬萊州
宋因之金屬寧海州元因

如意元年復置登州以文登屬焉
之屬益都路明屬登州府

皇清因之編戶五十里

海陽縣

原大嵩衛也衛設海陽所地在海之北故名

周為萊子國地後屬齊秦屬齊郡漢為昌陽縣地歷隋至五代唐始改名萊陽宋金因之建置同萊陽縣明於縣西南置大嵩衛竝海陽所屬登州府

皇清因之順治十二年省海陽所入衛雍正十二年改衛為縣

賜名海陽編戶三十一里

榮成縣

原成山衛也成山本名榮成山見史記

周為萊子國地秦屬齊郡漢為不夜縣地北齊置文登縣歷隋至元皆因之建置同文登縣明始於縣東置成山衛竝尋山所縣南置靖海衛竝寧津所縣北置威海衛俱隸登州府

皇清因之順治十二年省尋山所入成山衛省寧津所入靖海

衛雍正十二年省靖海威海二衛入文登而改成山衛為縣

賜名榮成編戶一十九里

萊州府

本東萊地齊侯遷萊子於郛在國之東故稱東萊

禹貢青州之域古萊夷地殷時為萊侯國周春秋為萊子介州諸國地戰國屬齊秦為齊郡東境漢為東萊郡隸青州其餘地分屬北海膠東高密諸郡國及徐州之琅邪郡東漢因之惟省膠東高密入北海國而以琅邪之黔陬不其改屬東萊郡晉為東萊國及濟南城陽長廣諸郡皆隸青州南宋因之北魏分青州置膠光二州以北海郡隸於青東萊長廣平

昌三郡隸於光高密一郡隸於膠隋初罷郡改光州爲萊州
大業初廢州爲郡曰北海曰東萊曰高密仍隸於青州唐因
之爲萊州東萊郡青州北海郡密州高密郡總屬河南道宋
爲萊濰密三州屬京東東路金屬益都府山東東路元初屬
益都路後分屬般陽益都二路明洪武元年陞萊州爲府六
年割登州直隸行省留膠水屬萊九年陞登州爲府割萊陽
招遠寧海州文登以屬登乃割青州之昌邑濰州膠州高密
卽墨以益萊降濰州爲縣十九年又陞膠水爲平度州屬萊
州府隸山東布政使司

皇清因之領州二縣五

